

SCRIPT OF MORNING GOJRI NEWS BULLETIN 8APRIL 2025 1015HRS

مارننگ گوجری نیوز بولٹن 8 اپریل 2025

یوہ آکاشوانی جموں ہے محمد اکرم تیں خیر سئو۔

PREZ PORTUGAL VISIT

صدر جمہوریہ محترمہ درویدی مرمو نانہ پورتوغل غا دارلحکومت لسبان مانہ ایک تاریخی تقریب غے دوران شہر غی چابی تیں نوازیو گیو تقریب لسبان غی تاریخی عمارت کمارہ میونسپل ڈی لسوبا مانہ منعقد ہوئی یوہ اعزاز لسبان غا میر کالوس مسٹس نے دتو جس غے زریعے صدر موصوفہ نانہ شہر غی اعزازی شہری تسلیم کیو گیولسبان غی سٹی کی سبتیں بڑو شہری اعزاز ہے تقریب تیں خطاب کرتا واں صدر مرمو نے کہیو کہ بھارت غا شہری پورتوغل مانہ چوتھی سب تیں بڑی کمیٹی ہے جہیڑی دئے ملکاں غے بشکار پُل غو کم کرے تے پورتوغل غی معشیت مانہ اہم کردار ادا کرے۔

HM ELECTRONIC SURVEILLANCE

مرکزی وزیر داخلہ امت شاہ نے کہیو کہ حکومت ملک غی سرحداں غی حفاظت واسطے ایک الیکٹرانک نگرانی غو نظام لارہی ہے یاہ ٹیکنالوجی زیر زمین سرحد پار سرنگاں غو پتو لان تے انہاں نانہ تباہ کرن واسطے استعمال کی جے غی۔ تانجے دہشت گرداں غی دراندازی نانہ روکیو جاسکے خاص طور ور جموں کشمیر مانہ آکاشوانی جموں گا نامہ نگار غے مطابق وزیر داخلہ نے ضلع کٹھوعہ غا پیرا نگر سیکٹر مانہ بین العقوامی سرحد ور بی ایس ایف غی پوست ونے غادورہ غے دوران اہلکاراں تیں خطاب کرتا واں اُن غا حوصلہ تے مشکل حالات مانہ فرائض انجام دین غی تعریف کی۔

DGP

پولیس غ اڈائریکٹر جنرل نلین پرہات نے گزشتہ روز کہیو کہ دہشت گردی غا نیٹواک تے بنیادی ڈھانچہ نانہ تباہ کردتو گیو ہے آکاشوانی جموں غا نامہ نگار غے مطابق انہاں نے مرکزی وزیر داخلہ امت شاہ غ اتعاون تے صفر برداشت پالیسی غی تعریف کی انہاں نے کہیو کہ پولیس دہشت گردی غ امکمل خاتمہ توڑی چین تیں نہیں بیسے غی ڈی جی پی نے یاہ گل اُس وقت کہی جد وزیر داخلہ جموں غ اراج بھون مانہ منعقد ایک تقریب غے دوران ۱۱ شہیداں غا خانداناں جس مانہ ۰۱ پولیس اہلکار تھا نانہ ملازمت غاتقرری نامہ دے رہیا تھا۔ ڈی جی پی نے دسیو کہ ۹۸۹۱ تیں ہُن توڑی دہشت گردی غے خلاف جنگ مانہ ۴۱۶۱ پولیس اہلکار شہید ہوا ہیں جنمانہ ۵۱۵ ایس پی اوز شامل ہیں۔

FOREST REVIEW MEET

جنگلات تے ماحولیات گا وزیر جاوید احمد رانہ نے گزشتہ روز سیول سیکرٹریٹ جموں مانہ ایک میٹنگ غی صدارت کی جس مانہ محکمہ جنگلکات گا اہم معاملات تے ترقیات منصوباں ور تفصیلی جائیزو لیو گیو ہے میٹنگ مانہ محکمہ جنگلات گا کمشنر سیکرٹری تے دوجہ اعلیٰ افسراں نے شمولیت کی۔ میٹنگ مانہ خطاب غے دوران جاوید احمد رانا نے موثر خدمات مہیا کرایا جان نانہ یقینی بنان واسطے انتظامی معاملات گے اندر جوابدہی تے شنائیت نانہ

بنائے رکھن گی اہمیت ور زور پایو۔ انہاں نے افسراں نانہ ہدایت کیی جے وے ملازمین گا متعلق مسائل گو ویلے سرحل کریں تانجے موثر کم کاج گا ماہول تے حوصلہ نانہ برقرار رکھیو جاسکے۔ جاوید رانا نے ممکنہ داہندلیان نانہ کہٹ کرتا واں کاروائی نانہ مزید بہتر بناتا کڑی گا ذصیرہ تے فراہمی گے متعلق تمام لین دین گی سہولیت واسطے آنلائن پورٹل تیار کرن واسطے حکم دتو۔

FIRE CONTROL ROOM

جنگلات تے ماحولیات بارے کمشنر سیکرٹری شیتل نند نے گزشتہ روز جنگل مانہ اج گی وردات ور قابو بارے انتظام واسطے عملی منصوبہ تے تیاریاں گا جائیزہ خاطر ایک میٹنگ گی صدارت کی۔ اس میٹنگ مانہ جنگل مانہ اگ گے متعلق موجودہ صورتحال ور تفصیلی گل بات کی گئی۔ کمشنر سیکرٹری نے محکمہ ور زور پایو ہے جے وے اگ نال نمڑنآلے پاسے دھیان دینگے بجائے اگ توں بچاؤ گا انتظام ور دھیان مرکوز کریں میٹنگ مانہ اس گل ور فیصلو کیو گیو جے وسائل گا زیادہ توں زیادہ استعمال نانہ یقینی بنان واسطے متعدد کنٹرول روم رکھن گی موجودہ مشق نانہ ختم کیو جے تے اس مقصد واسطے سانجہ طور ور اک نال نمڑن واسطے کنٹرول روم زد پزیر علاقاں مانہ قیام کیا جیں جن گو پوری طرح نقشہ سازی گے بعد قیام کیو جے تے ان گے اندر ٹیریٹوریل فوج تے جنگل حیات گا تحفظ بارے فوج تے دوجی تنظیمیاں گو ہنر مند عملو لایو جے تے ان نانہ اگ نال نمڑن واسطے تمام ضروری آلات نال لیس ویکو جے گو۔

BY ELECTRONICS

باہرتی چناؤ کمیشن گی طرفوں جاری رہنما خطوط گے مطابق ۷۸ بڈگام تے ۷۷ نغروٹہ اسمبلی حلقہ مانہ ہون آلا ضمنی انتخابات واسطے چناوی مرکزیاں گی درستگی گو کم مکمل ہو گیو ہے آکاشوانی جموں گا نامہ نگار گی اطلاع گے مطابق یو عمل چناؤ نانہ صاف وشفاف کرایا جان غا مقصد نانہ یقینی بنان واسطے جاری تیاریاں گو حصو ہے۔ واضع رہ جے بڈگام مانہ چناوی مرکزیاں گے ی تعداد ۶۵۱ توں بڈاگے ۱ سو ۳۷ جدکہ نغروٹہ مانہ ۱ سو ۵۴ توں بلا گے ۱ سو ۰۵ کردتی گئی ہے حلقہ واسطے مسودہ اج تیں ۸ اپریل نانہ جاری کردتی جے گی۔

DC RAJOURI

عوامی رسائی واسطے ڈیجیٹل پلیٹ فارم گی طاقت نانہ بروے کار لینا ایک اہم قددت مانہ ڈپٹی کمشنر ابھشیک شرما نے کل ضلع گا مشہور سوشل میڈیا ور اثر انداز ہون آلاں گے نال ایک میٹنگ کی میٹنگ گے دوران ڈپٹی کمشنر نے کہیو جے ڈیجیٹل اثر انداز نوجواناں مانہ خاص طور ور رائے عامہ نانہ تشکیل دین تے بیداری کھیلاں مانہ اہم کردار ادا کرسکیں۔ انہاں نے زور پایو جے نشہ مکت ابھیان گے تحت اہم موثر طور پھیلاں گی ضرورت ہے جس گی شروعات اج ضلع بھر مانہ منشیات گا استعمال نانہ روکن تے صحت مند طرز زندگی نانہ فروغ دین گا وسیح طر اقدام گا حصہ گا طورور ہوئی ہے۔
